

Bugojno, 01.04.2009. godine
Broj: 147/09

ZAKLJUČCI
SA SJEDNICE PREDSJEDNIŠTVA
SAVEZA OPĆINA I GRADOVA F BiH

U Bugojnu je dana 01.04.2009. godine održana Četrnaesta sjednica Predsjedništva Saveza općina i gradova Federacije Bosne i Hercegovine (u daljem tekstu: Savez).

Sjednici Predsjedništva Saveza prisustvovalo su:

- **g-din Hasan Ajkunić**, načelnik Općine Bugojno
- **g-din Muhamed Ramović**, načelnik Općine Goražde
- **g-din Amer Čenanović**, načelnik Općine Ilidža
- **g-din Rasim Omerović**, načelnik Općine Kalesija
- **g-din Emir Bubalo**, načelnik Općine Konjic
- **g-din Hakija Osmić**, načelnik Općine Zavidovići

Pored gore navedenih, sjednici su prisustvovali i: **g-din Fadil Imširović**, načelnik Općine Gradačac, **g-din Mato Zovko**, zamjenik predsjedavajućeg Skupštine Saveza, gđa **Vesna Travljanin**, Sekretar Saveza, gđa **Zlata Turkić**, saradnik za rad sa komisijama i institucijama vlasti, gđa **Selma Fišek**, pripravnik, g-din **Edin Demirović**, saradnik za lokalnu samoupravu, i gđica **Šejla Hasić**, viši saradnik za projekte.

G-din Ajkunić pozdravlja prisutne i otvara Četrnaestu sjednicu Predsjedništva Saveza općina i gradova F BiH. Podsjeća prisutne da je zaključeno na Trinaestoj sjednici Predsjedništva da se održi još jedna sjednica kako bi se verifikovale procedure i izborne liste za održavanje Izborne skupštine Saveza općina i gradova F BiH u Neumu 16.04.2009. godine.

G-din Ajkunić stavlja Dnevni red na usvajanje.

Dnevni red je jednoglasno usvojen.

1. Zapisnik i zaključci sa Trinaeste sjednice Predsjedništva Skupštine Saveza općina i gradova Federacije BiH

G-din Ajkunić otvara raspravu.

G-din Bubalo se javlja za riječ i postavlja pitanje listi za izbor u organe i tijela Saveza. Pitanje je postavljeno i prošli put te nije jasno zašto to nije navedeno i kako Jablanica i Konjic nisu ni na jednoj listi.

G-din Ajkunić konstatuje da ova primjedba uđe u Zapisnik. Također, g-din Bubalo objašnjava da je Komisija za izbor i imenovanja ostavila općine iz prošlog saziva, ali da nema imena, jer HNK nije održao sastanak i nije dostavio prijedloge kandidata.

G-din Bubalo daje primjedbu na rad Komisije jer smatra da nemaju nadležnost da odlučuju. Predlaže da se iz Nacrta odluka za imenovanja u organe i tijela Saveza iz HNK kantona izbrišu i imena općina dok se ne dobiju prijedlozi kandidata.

G-din Ajkunić konstatuje da je Predsjedništvo donijelo zaključak na prošloj sjednici da svi dostave svoje prijedloge do 16.03.2009. godine, a u slučaju da se to ne uradi, zadužila se komisija da dostavi prijedloge. Također, predlaže da g-din Bubalo sazove sastanak HNK općina kako bi se dostavili prijedlozi.

Zapisnik je jednoglasno usvojen sa primjedbama g-dina Bubala i sa prijedlogom g-dina Ajkunića.

2. Izbor kandidata za organe i tijela Saveza općina i gradova Federacije BiH

Izjavitelj: Nusret Helić, Predsjednik Komisije za izbor i imenovanja

Gđa Travljanin izvještava prisutne da je g-din Helić zbog zdravstvenih problema spriječen da prisustvuje današnjoj sjednici ali je Predsjedništvo dobilo Zapisnik sa sjednice Komisije gdje su članovi na osnovu primljenih prijedloga dostavljenih od strane članica, dali Nacrte odluka na usvajanje Predsjedništvu.

1. Odluka o izboru predsjedavajućeg Skupštine i zamjenika predsjedavajućeg Skupštine Saveza općina i gradova Federacije Bosne i Hercegovine

G-din Ajkunić otvara raspravu.

G-din Zovko se javlja za riječ i konstatuje da on nije spreman prihvatiti kandidaturu za zamjenika Predsjedavajućeg Skupštine Saveza zbog mnogih obaveza. Uz to naglašava da su općine iz njegovog kantona predložile da on bude član Komisije za ustavna i zakonodavna pitanje, te da je spreman prihvatiti mandat.

G-din Ajkunić predlaže da Predsjedništvo usvoji zaključak da radi nacionalne zastupljenosti predsjedavajući Skupštine Saveza bude iz reda Hrvatskog naroda a da zamjenik predsjedavajućeg Skupštine Saveza bude iz reda Bošnjačkog naroda.

Ovaj prijedlog je jednoglasno usvojen.

Gđa Travljanin konstatuje da su g-din Bešlić i g-din Bubalo bili zaduženi ispred HNK kantona da održe sastanak i daju prijedloge svojih kandidata. Također želi izvijestiti Predsjedništvo da je primljena informacija da će g-din Ljubo Bešlić zakazati sastanak u petak kako bi se utvrdili kandidati i da je stav da Grad Mostar treba biti stalni član Predsjedništva kao i još jedna općina iz tog kantona.

G-din Bubalo smatra da centri kantona ne trebaju biti u Predsjedništvu.

G-din Ajkunić predlaže da g-đa Travljanin provjeri sa g-dinom Bešlićem ako je sastanak zakazan, a ako nije da se zaduži g-din Bubalo da zakaže sastanak općina iz HNK kantona, te da Savezu dostavi prijedloge najkasnije do 10.04.2009. godine.

Prijedlog je jednoglasno usvojen.

G-din Ajkunić predlaže da HNK kanton da prijedlog za predsjedavajućeg Skupštine Saveza, a da se g-din Đevad Bećirević predloži za zamjenika predsjedavajućeg Skupštine Saveza na usvajanje Skupštini.

Prijedlog je jednoglasno usvojen.

2. Odluka o izboru predsjednika, zamjenika predsjednika i članova Predsjedništva Skupštine Saveza općina i gradova Federacije Bosne i Hercegovine

G-din Ajkunić otvara diskusiju te konstatuje da Tuzlanski kanton nije dao prijedlog za člana Predsjedništva Saveza i HNK kako je već odlučeno treba dostaviti svoje prijedloge.

Jednoglasno je zaključeno da se pitanje ovih kandidata razmotri na sjednici Predsjedništva prije održavanje Skupštine u Neumu.

Za predsjednika Predsjedništva Saveza kandidovani su g-din Husejin Smajlović i g-din Rasim Omerović.

G-din Hakija Osmić izvještava prisutne da je razgovarao sa g-dinom Smajlovićem te da je on spreman da prihvati kandidaturu.

Jednoglasno je zaključeno da se ovi prijedlozi kandidata prosljede u daljnju proceduru.

G-din Ajkunić konstatuje da je za zamjenika predsjednika Predsjedništva predložen g-din Vlado Alilović.

Jednoglasno je usvojeno da se ovaj prijedlog prosljedi u daljnju proceduru.

3. Nacrt odluke o izboru predsjednika i članova Nadzornog odbora Saveza općina i gradova Federacije Bosne i Hercegovine
Nacrt odluke je jednoglasno usvojen.
4. Nacrt odluke o imenovanju osoba ovlaštenih za zastupanje i predstavljanje Saveza općina i gradova Federacije Bosne i Hercegovine
Nacrt odluke je jednoglasno usvojen.
5. Nacrt odluke o obrazovanju Komisije za razvoj i unapređenje lokalne samouprave
Nacrt odluke je jednoglasno usvojen.
6. Nacrt odluke o obrazovanju Komisije za ustavna i zakonodavna pitanja
Nacrt odluka je jednoglasno usvojen.
7. Nacrt odluke o obrazovanju Komisije za prostorno uređenje, stambeno-komunalne djelatnosti i zaštitu životnog okoliša
Nacrt odluke je jednoglasno usvojen.
8. Odluka o obrazovanju Komisije za međunarodne veze i saradnju
Nacrt odluke je jednoglasno usvojen.
9. Odluka o obrazovanju Komisije za ekonomski razvoj općina i gradova
Nacrt odluke je jednoglasno usvojen.
10. Nacrt odluke o obrazovanju Komisije za izbor i imenovanja
Nacrt odluke je jednoglasno usvojen.

Jednoglasno je zaključeno da se iz svih gore usvojenih nacrta odluka izbacе imena i općine iz onih kantona koji nisu dostavili svoje prijedloge, te da se naknadno nominiraju kandidati.

3. Usvajanje Dnevnog reda za Izbornu Skupštinu Saveza općina i gradova Federacije Bosne i Hercegovine;

- prijedlog za izbor radnog Predsjedništva;

Jednoglasno je zaključeno da se daje mandat Stručnoj službi Saveza da kreira protokol za sjednicu Skupštine.

- prijedlog za izbor verifikacione komisije;

Jednoglasno je zaključeno da se daje mandat Stručnoj službi Saveza da predloži kandidate za verifikacionu komisiju te da će Predsjedništvo usvojiti prijedloge na sjednici Predsjedništva pred Skupštinu.

- određivanje izvjestilaca po pojedinim tačkama;

Jednoglasno je zaključeno da se daje mandat Stručnoj službi Saveza da predloži izvjestioce te da će Predsjedništvo usvojiti prijedloge na sjednici Predsjedništva pred Skupštinu

- rok za prihvatanje kandidature.

Jednoglasno je usvojeno da je rok za prihvatanje kandidatura za tijela i organe Saveza 10.04.2009. godine

4. Plan rada Saveza općina i gradova Federacije Bosne i Hercegovine za period 2009. – 2010. godina (Prilog Programskoj orijentaciji)

Izvjestilac: Zlata Turkić, saradnik za rad sa skupštinskim komisijama i institucijama vlasti

Gđa Turkić izvještava prisutne o Planu rada koji je Savez uradio zajedno sa GAPom a na osnovu održanih fokus grupa. Na osnovu ovog plana urađena je i Programska orijentacija Saveza.

G-din Ajkunić konstatuje da se Savez mora fokusirati na nekoliko bitnih ključnih pitanja tj. zakona koji su aktuelni za općine. Bitno je da ne Savez ne bude nedorečen. Ako treba uraditi jedno ili dva akutelna pitanja. Smatra da je vrlo bitno da se Savez aktivnije posveti boračkim pitanjima, budžetima, tj. pražnjenju kantonalnih budžeta.

G-din Bubalo smatra da Plan rada treba da bude konkretniji u smislu implementacije Zakona o principima lokalne samouprave. Također, treba spomenuti Zakon o šumama, koncesijama i pripadnosti javnih prihoda te da se radi na uspostavljanju Federalnog.

G-din Ajkunić predlaže da se zaduži Savez da proslijedi Plan rada Saveza svim općinama na komentare u javnu raspravu, te da novo Predsjedništvo usvoji takav Plan rada.

Prijedlog je jednoglasno usvojen.

5. Informacije:

- a) o aktivnostima Saveza općina i gradova FBiH o zastupanju pred Ustavnim sudom Federacije BiH

Izvjestilac: Zlata Turkić, saradnik za rad sa skupštinskim komisijama i institucijama vlasti

Gđa Turkić izvještava Predsjedništvo da će se Savez i općine pojaviti u postupku pred Ustavnim sudom 14.04.2009. godine.

Informacija je jednoglasno usvojena.

- b) o održanom seminaru «Partnerstvo općina i gradova Balkana»

Izvjestilac: Amir Kupusija, saradnik za odnose sa javnošću

G-đica Hasić izvještava Predsjedništvo o održanom seminaru u saradnji sa CEMRom koji se održao u Sarajevu, a gdje su prisustvovali predstavnici Saveza.

Informacija je jednoglasno usvojena.

- c) pokretanje IV kruga programa «Beacon Schema» i proglašenje odabranih tema

Izvjestilac: Amir Kupusija, saradnik za odnose sa javnošću

G-đica Hasić izvještava Predsjedništvo o aktivnostima Beacon Scheme i temama za četvrti krug, kao i prenosa finansiranja na Federalno ministarstvo pravde.

Informacija je jednoglasno usvojena.

- d) izvještaj sa sastanka NALAS-a u Skoplju

Izvjestilac: Šejla Hasić, viši saradnik za projekte

G-đica Hasić izvještava Predsjedništvo o održanom sastanku NALASa sa donatorima iz SDCa i GTZa, te o važnosti aktivnijeg uključivanja Saveza u aktivnosti ove organizacije.

Informacija je jednoglasno usvojena.

e) stanje naplate članarina za I tromjesečje 2009. godine

Izjavitelj: Vesna Travljanin, Sekretar Saveza

Gđa Travljanin izvještava Predsjedništvo o naplati članarina za prvo tromjesečje, konstatujući da je naplata 50% od ukupne sume tromjesečja.

Informacija je jednoglasno usvojena.

6. Tekuća pitanja

Nakon što je konstatovano da su sve tačke Dnevnog reda zaključene, g-din Ajkunić zatvara Četrnaestu sjednicu Predsjedništva Saveza.

**Predsjednik Predsjedništva
Ljubo Bešlić, s.r.**